

編號 6 號

【 偌曉搵手咧 】 廖惠貞原作

偌在屋下座大，阿姆講：「盡大个愛有好樣。」故所偌輒常帶等老妹共下學習、同大人搵手，阿婆講：「有緣正入共家門，一屋下人愛共心。」故所偌當聽話。

偌生到像大人恁高，毋過偌今年正十空歲仔定定，還係細人仔。屋下个大人有四儕，吾阿公、阿婆、阿爸摺阿姆。偌看世大人歸日仔愛上班賺錢，日日做到兩頭烏，還辛苦哪！細人仔當然愛多學做兜仔事情較好哪！

從細偌就好在灶下看阿姆煮食，偌對一年生開始，就會同大人搵手。阿姆煮菜、偌煮湯，兩儕人歡喜个鼻等香氣，七手八腳、就有好出菜吔；阿爸講偌恁乖，老妹摺偌搭手，偌越學就越快樂！偌也盡好跔阿婆去市場，市場係鬧熱又生趣个所在，做得認識當多東西，尤其係青菜，像苦瓜摺番瓜係愛掛皮煮个，菜瓜摺瓠仔就愛刨皮，芹菜係食莖个，番薯葉、芥蘭菜个葉仔摺莖都做得食，笏瓜仔¹洗淨就食得，蔥仔、蒜仔仰般分，這兜全部都係偌在買菜个時節學著个。

¹ 笏瓜仔：音 ned` gua` e`；小黃瓜。

每日除忒搵做微毛末節个頭路，像：抹地泥、撿摯、收衫褲這兜，偌還會學煮飯。有一擺，吾姆出外，吾婆先愁便，偌就講：「阿婆！毋使愁，當晝偌來煮。」偌同米洗好，放入電鑊仔煮，堵好還有一鑊个爌肉²，就同佢放在瓦斯爐用炆火暖燒來，續等煎卵包、炒一盤薤菜，還煮咧一鑊包粟湯。偌也記得吾姆教過偌个：煮湯愛細義，毋好燒著！偌還有放芫荽仔³來菰香哦，兩下手就喊老妹好搵手排碗筷，過喊阿公、阿婆食飯哩！吾公、吾婆說偌講：「吾慧孫女大哩啲，還會啲！」偌自家也試著已沙鼻！

偌去到學校也會同先生搵手，因為偌係「細先生」。看先生歸日仔無閒泊杈，愛改一堆个字簿仔，故所偌會摺先生搵手，當晝頭就無歇睏。偌拿等紅色个筆，目珠擘金金檢查同學个字簿仔，毋著个位所就用紅筆箍起來，再過請同學改好來，也順續仔教一下毋曉得个同學，恁樣个頭路偌做毋會瘡，因為偌感覺有摺同學搵手著。

有一句話講「多學多得」，正經哦！偌學著當多，感謝吾个世大人分偌機會又信任偌，偌會繼續學習，偌也做得大聲講：「偌會煮飯哩啲！」

² 爌肉：音 kong ngiug`；紅燒肉。

³ 芫荽仔：音 ien` xi` e`；香菜。